

10

DE ROMANA
SANCTI PETRI
PRINCIPIS APOSTOLORUM
CATHEDRA
ORATIO

HABITA IN SACROSANCTA-BASILICA
VATICANA

XV. KALEND. FEBRUARIAS MDCCLVIII.

A COMITE CÆSARE CATTANEO
PATRITIO PARMENSI.



ROMÆ MDCCLVIII.
EX TYPOGRAPHIA PALLADIS

EXCUDERANT NICOLAUS ET MARCUS PALEARINI
SUPERIORUM FACULTATE.

SANCTISSIMO DOMINO NOSTRO
BENEDICTO XIV.
PONT. OPT. MAX.

CÆSAR CATTANEO
FELICITATEM



*CONSULTIVS fortasse fa-
ctum videri poterat, si
Orationem banc, quæ nulla admodum re,
quam Argumento commendatur, apud me
A 2 con-*

continuiffem ; nec in manus hominum per-
 venire paffus effem ; nunc vero quoniam alio-
 rum exemplum fequutus edere , ac vulgare
 constitui ; inconfultiffime profecto facerem ,
 fi eam nomini Tuo minime confecrarem ,
BEATISSIME PATER. Eccui
 enim potiori jure infcribenda erat Oratio ,
 quæ eft de **CATHEDRA** Divi **PETRI** ,
 quam Rom. Pontifici , qui eam ipfam Cathe-
 dram obtinet , atque ei præfertim Pontifici ,
 qui jam tot annos tanta cum laude , ac Ca-
 tholicæ Religionis incremento univerfæ Ec-
 clefiæ præeft ? Huc accedit , quod me hanc
 qualemunque occafionem captare oportebat
 publico aliquo , quod extaret , indicio testifi-
 candæ obfervantiæ erga Te meæ . Multa de
 Tua fingulari omnium Ecclefiarum follici-
 tudine , multa de fapientia prædicari au-
 dieram , qua jure , ac merito omnium Gen-
 tium Doct̃or & Magifter exiftimaris , multa
 de memoria , qua omnem antiquitatis noti-
 tiam & eruditionem complexus es multa de-
 nique de Comit̃ate , atque humanitate Tua ,
 qua

qua omnes peramanter excipis ; sed multa
 plura præsens cognovi , & gavisus sum ,
 Famam illam , quæ de Te toto terrarum
 Orbe percrebuit , non præsencia minui , sed
 contra atque in aliis usurveniat , longe supe-
 rari . Etiam cum ab Avunculo meo , quem
 Ariminensi Insula ornare nuper dignatus es ,
 tibi sisterer , tanta me benevolentia excepisti ,
 quantam optare vix ausus essem . Quid ?
 cum tibi jampridem significatum esset Di-
 sputationes quasdam a me tunc absente habi-
 tas esse , ea de re & Tu prior sermonem in-
 duxisti , & earundem Disputationum exi-
 tum , perinde ac si præsens adfuisses , gra-
 tulatus es . Quod me adeo perculit , ut ve-
 bementer una cum singulari humanitate inau-
 ditam prorsus , ac plane miram inter tot ,
 ac tantas gravissimorum negotiorum , ac
 studiorum curas memoriam admiratus sim
 Tuam . Ex quo in certissimam spem addu-
 ctus sum fore ut nunquam ejus obliviscaris ,
 qui unice in tua clientela , ac benevolentia
 conquiescit . Patere igitur , extare publicum

(VI)

*hoc observantiae meae documentum, tenue
illud quidem, sed ab optima voluntate
profectum, quae Te quam diutissime, &
communi totius Christianae Reipublicae bono
& majori adhuc eximiae Tuae virtutis me-
rito in Petri Cathedra vigentem, florentem-
que cupit.*





ORATIO

QUM ego mæditer, quid inter cætera pronunciare voluerit magnum illud, stupendumque Myſterium, quod Apocalyſtæ Joanni in Infula Pathmos, ultimo loco ſpectandum Angelus referavit; facere non poſſum, quin Apoſtolicæ CATHEDRÆ gloriā, ac Principatum ſub illius Arcani velamine¹ mirifice demonſtratum intelligam. Nam ſi quæ vidit Joannes non in Coelis tantum, ſed & in terris eventura erant, quid erit, obſecro vos, inter mortales Beata illa Sedes Dei & Agni in ſplendidiffimæ Civitatis ſinu erecta, niſi eadem ipſa Apoſtolorum Principis Sedes in Urbe Romæ collocata? Quid erit divinus ille, ac ſimpliciſſimus Vitalis aquæ fluvius de Sede procedens, niſi Evangelicæ prædicationis gratia ex una Petri Cathedra tamquam ex fonte dimanans? Quid lignum vitæ ſecus admirandi illius fluminis ripas
redo-

¹ Apoc. 21.

(VIII.)

redolens fructum ad sanitatem gentium ; nisi Christus ipse , qui ad Romanæ Sedis latera vigilans oracula inspirat sedenti illius fidem immaculatam conservat , huc veluti ad Evangelicæ Doctrinæ fontem sitientes vocat , vocatos per spiritum sanctæ dilectionis ab ægritudine liberat , universo denique humano generi ex hac beatâ Sede æternæ salutis munera , & remedia ministrat ? Age ergo in tanta hujus dici Solemnitate gaudeat Roma , quia Sedes Petri facta est : gaudeat & totus terrarum Orbis , quia sedes ipsa Romæ firmata est , nam quod ad me attinet , quanta & Orbi simul & Urbi occasio sit , brevissime demonstrare aggrediar .

Itaque ut de totius Orbis gratulatione dicam , nemo Vestrum puto , non admodum gaudebit , prædictæ Matris Ecclesiæ Sedem in eo terrarum loco eo augustius splendescere , quo celsius attollitur , summamque ex arce in omnium oculis fulget . Quod enim Petri Cathedra in Urbe omnium maxima collocata sit , id equidem non ad unius Populi , sed ad universarum Gentium utilitatem mirifice confert . O ineffabile divinæ Sapientiæ Consilium ! Romanam condere Urbem , eamque ad tantæ magnitudinis culmen evehere , ut cæteras omnes splendore , divitiis , & principatus majestate superaret ; una erat hominum cura & ambitionis opus . Sed summus rerum Provisor , ac moderator Deus quidquid vanitas mortalium ad terrenæ Civitatis gloriam amplificandam molita fuerat , in Religionis Christianæ commodum uno veluti momento Omnipotenti nutu convertit , & Apostoli Cathedram ibi esse voluit , ubi secularis Imperii sedes tanta ostentatione vigeat , sicque Deo Auctore factum est , ut Urbs illa potentissima ,
unde

unde in omnes Terræ Regionēs protendebantur imperia; ea modo sit, unde, in omnes Mundi plagas purissima Fidei lumina latissime fundi, ac propagari cernuntur; in ea demum tam admirabili rerum, ac temporum conversione, quæ antea Domina gentium erat, mater evasit, & Magistra omnium Ecclesiarum. Benedictus Dominus, qui de præparato habitaculo suo, de hac Sancti Petri Sede, de Montibus novæ Sion potentiam Regni sup̄notam fecit nationibus, effudit Misericordiam suam in omnes gentes, dedit verbum evangelizantibus in virtute multa, respexit sup̄ omnes, qui habitant terram. Exultate jam quotquot estis Ecclesiæ Virgines Sion tantæ Matris Filiæ Cara pignora Petri exultate (sic enim decet) & in Cathedra Regni ejus laudate Deum, qui vos adduxit ad Civitatem munitam, & in loco Sanctificationis suæ veræ Fidei & cælestis Doctrinæ pabulo vos alit, & nutrit. Sed quid de Roma dicam, quod illius veluti proprium, ac singulare censeri debeat? Ex his quæ hætenus dicta sunt habet Roma cum cæteris Orbis terræ partibus communem lætitiæ Causam; at præter hanc, aliam omnino præcipuam & insignem habet, quam sibi soli debitam jure tribuat, atque de prædicet.

Nihil est in Urbe tam Sanctum, tamque Divinum, omniumque Sæculorum laude celebrandum, quod ad Apostolicam Petri Cathedram acceptum referri non debeat; quidquid honoris, & gloriæ Gentilium ævo se obtinuisse jactabunda commemorat, nonnisi superstitionosa portenta abominabilis superbiæ fastum, trophea scelerum, & humanarum rerum inconstantiam ostendit: modo vero quidquid jam inde ab Apostolorum
 Prin-

Principis ætate Romanorum nomen supra cæteras gentes altius extollit in Religionis divinitate, in virtutis splendore, in morum Sanctitate, in Miraculorum gloria, in Martyrum Triumphis, in integritate Fidei in ipsius denique Ecclesiæ, & imperii soliditate, nullis unquam dæmonum insidiis periclitatura consistit. Nunc multo potentior aditum nobis aperit ad cælestia. Non solum vel Africæ, vel Asiæ Regiones Romam colunt, vehementerque timent, sed & inferorum potestates, tartarorumque monstra illius nutus, & auctoritatem vereri coguntur. Roma fulgurat, tonat, splendet, illuminat universa. Hæc utpote Petri Sedes, excelsa illa, & fortunata Civitas est supra montem posita, supra montem, inquam, non ad horam illustratum, ut ille, in quo Petrus tria tabernacula construere postulabat, sed perpetuo Solis indeficientis lumine clarificatum. Faciamus hic tria Tabernacula, dixit Petrus, in monte Thabor, nesciēns quid diceret, ut ait Marcus. Non ibi, sed hic, sed Romæ Tabernaculum grande statuendum erat. Ecce Tabernaculum Dei cum hominibus, ubi nobilissima Christi Sponsa Ecclesia resplendet tanquam Sol, ejusque vestimenta facta sunt alba, sicut nix. *Salve Civitas Sancta*, ut cum Divo Bernardo loquar, *quam ipse sanctificavit sibi Tabernaculum suum Altissimus, quo tanta in re, & per te generatio salvaretur*¹. Salve Civitas Regis magni, ex qua nova, & jucunda Mundo Miracula nullis temporibus defuere ab initio. Salve Domina Gentium, Princeps Provinciarum, Gloria Populi Christiani, quam Deus semper a principio passus est oppugnari, ut viris fortibus sicut virtutis, ita foret & occasio salutis.

Glo-

¹ *Serm. ad Mil. Templi cap. 3.*

(X I)

Gloriosa dicta sunt de te , non quia Roma es , sed quia Matris nostræ , & Christi Sponsæ Ecclesiæ Sedes , ac Civitas Dei facta es . Quod non sine magno gaudio audiunt Insulæ , & attendunt Populi de longe tanquam fluminis impetum , qui lætificat Civitatem Dei ; tan-
taque multitudine dulcendinis tuæ jucundissime satiati memoriam abundantæ suavitatis tuæ ubique eructant , qui te viderunt , & usque ad extremum terræ magnificenciam gloriæ tuæ loquuntur , & enarrant mirabilia tua . Quæ si semper , si ubique , si apud omnes enarranda sunt , multo magis in hac tam celebri Solemnitate hac ipsa die , hoc ipso in loco apud Vos enarranda fuere . Quare rerum magnitudine oppressus tacendo potius , quam majora dicendo Orationi finem imponam .



I M P R I M A T V R.

Si videbitur Reverendiss. Patri Sac. Pal. Apost. Mag.
F. M. de Rubeis Patriarch. Const. Vicefg.

I M P R I M A T V R.

Fr. Vincentius Elena Reverendiss. P. Mag. S. Pal. Apost.
Soc. Ord. Praed.

